



## TUSAGASSIORFITSIGUT NALUNAAARUT

martsip 3-at 2020

Attaveqarfissaq:

Siulersuisuugallartuni siulittaasoq  
Liz.Cravalho@nana.com

+1 (907) 442-3301

### **Inuit Issittumi aningaasarsiornikkut periarfissat annertusarniarlugit nunat tamalaat akornanni suliniaqatigiiffik pilersinneqartoq**



OTTAWA, Canada

Sisamangornermi, februarip 6-anni Alaska-mi (USA), Canada-mi Kalaallit Nunaannilu Inuit suliffeqarfiutaasa sinniisaat “International Inuit Business Association” (IIBA) pilersinniarlugu ataatsimeersuarput. Peqatigiiffiup/suliniaqatigiiffiup siunertaraa Issittoq tamakkerlugu aningaasarsiornikkut siuariartornermik kingunissalimmik oqimaaqatigiissumillu siuarsaaqataanissaq, Inuit Nunaanni imminut pilersornerup qaffassarnissaa anguniarlugu – tassalu Issittup kujasissortaa ilanngullugu, Inuit nunat inoqqaavisa pisinnaatitaaffiik annertunerusukkullu Inuit inuusaassiannik annertunerusutigut atuiffiusuni.

“Inuit aningaasarsiornikkut nunagisaminni ingerlatsinerini ukiut atukkavut allanngoriartorfiupput,” Jim Stotts, ICC-Alaskami siulittaasoq IIBA-llu pilersinniarneqarnerani aqqissuussisuusoq oqarpoq. “IIBA tassaassaaq Inuit aningaasarsiornikkut ingerlataanni siuuttuusut ataatsimullu Issittumi aningaasarsiornikkut iluatsittumik angusaqarnissamik soqutigisaqartut iluaqutissarsiorfissaat.”

IIBA-p suliniutigineqarnera Inuit Issittormiut Siunnersuisoqatigiiffiata (ICC-p) 2018-imi Utqiagvik-mi ataatsimeersuarneranit Nalunaarummi tunngavilerneqarpoq, Issittumi aningaasarsiornep sukkaasumik allanngoriartornera nunarsuarmiullu sinnerisa Issittumik soqutiginnikkaluttuinnarnerat attanneqarsinnaasumik ineriartortinneqaqqullugu aalajangersaasoqarmat. ICC-p ilaatigut Issittumi killeqarfiit pitarlugit niueqatigiinneq, suliffissaqartitsineq angalasinnaanerlu tapersersorpai. IIBA, ICC-mut attaveqarluni kiffaanngissuseqarlunili ingerlanneqassaaq.

“Inuit suliffeqarfiutaannik piginnittuulluni ingerlatseqataallunilu, nalunanngilaq Issittumi killeqarfiit akimorlugit aningaasarsiornikkut suleqatigiiffiusinnaasut annertusiartortut,” Liz Qaulluq Cravalho siulittaasuugallartoq oqarpoq. “Suliniaqatigiiffimmik inuussutissarsiornikkut ingerlatsisunut Inuit

akornanni attanneqarsinnaasumik naligiittumillu annertusaarusuttunut tamanut periarfissiisumut tunngavileeqataanera nuannaarutigaaara.”

IIBA-p Inuit suliffeqarfiutaasa akornanni suleqatigiinnerunissamik siuarsaanermi, aammalu Canada-mi, USA-mi, Chukotka-mi (Rusland) Kalaallillu Nunaanni saniatigut ilaasortassarsiornerup saniatigut, suliniaqatigiiffik aningaasarsiornikkut Inuit pingaartitaannik misissuissaaq, kiisalu nunat tamalaat akornanni Inuit aningaasarsiornerannut sunniutilinni peqataasassalluni.

Piffissami matumani ilaasortaanermi atugassarititaasut aammalu ilaasortassarsiorneq IIBA-mi inaarsaavigineqarput.

**Asseq:**

Siulersuisuugallartut: Liz Cravalho, siulittaasoq; Maggie Emudluk, allatsi; aamma Jens K. Lyberth, siulittaasup tullia.